

亥上子孫爭論未上邊官戌上有喜商上妻  
 患申上大吉午上加官已上憂小口哭泣辰  
 上破財太白入命爭訟起寅上加衣丑上加  
 六畜子忌咒詛亥上有疾病口舌酉上逢  
 貴人戌上進財申上女人為災午上有不剛  
 之喜已上大人舉薦辰上惡人累及天一到  
 處皆為喜太一到處皆為災蝕神入命毀謗  
 口舌寅上損財丑上兄弟不和子上下母疾  
 病亥上損子戌上得貴人力酉上損財妨妻  
 申上貴人往來未上百事吉午上先憂後喜  
 已上得貴人接引辰上心不安為人連累火  
 至三六十一皆喜木至二五七九皆喜若逢  
 入六十六火來即死水日火至命皆為災土至  
 三六十一喜金至三四五十二皆喜行年  
 至土元守官災至火元守合有子火土見力  
 減至木元守官火土見亦為災至金元守宜  
 婚姻有子至水元守官土火見有災不見則  
 不為災至月元守官火土見災重至日元守  
 官宜入仕見貴人至土元守官亦多災日月  
 至土火元守官土火至日月元守官土至火

元守官皆為災重日至金元守喜火至金元  
 守有女人災土至金元守喜土至木元守有  
 官災木至火元守有子火至土元守喜土至  
 日元守災火至月元守破財疾病木至土元  
 守大富得財金至土元守大吉金至木元守  
 因女人破財金至火元守心疾金至水元守  
 因文書喜水至木元守有盜水至金元守有  
 官火至木元守憂公事日月至木元守皆有  
 喜  
 右件行年更有細微災福備在諸經此即撮  
 要而已故不盡錄也

靈臺經



秤星靈臺秘要經  
 明五行之性各異  
 木性強直火性猛烈土性仁和金性嚴毅水  
 性謙退

權災星法

人倫經云申酉為八殺位此位唯不宜見火  
 郭景純以火在西沒故知不令終因以法權  
 先須淨修一廁常須焚香勿令人往只自己  
 知之作法時即須披頭仗劍立此廁間如一  
 頃刻不逢人即置劍於廁中可以讓之若人  
 見之則彼此不免也其時被桓玄見之璞曰  
 與爾俱不免也後果如其言其法不欲匿之  
 秘如金匱經後一行與李荃撰筆斯經卷內  
 收之余恐師巫以為取資之具乾寧中勸其  
 疏已去之更不備載今復慮年紀綿邈流落  
 其本故別錄之

權法

候火星行度來到元守官分度一如生時遠  
 近度數合於何日符同遠先絕嗜慾自晨居  
 靜室早飯了至日午可裸形仗劍入廁作法

第九

十八

了低聲哭出廁門却入靜室澡浴卧一時着  
 夢寐所見何物必去其禍也可二度為之也  
 若恍惚與人為官災疾病者宜用栢木刻如  
 自己之形狀披以己之衣服候火星見自己  
 披髮仗劍呼己名唱栢木形星下連呼健妻  
 以火焚之然後入靜室端坐存身破財施貧  
 濟之行陰德其木人長三尺二寸其工匠多  
 與錢物勿令洩於外人其衣服象木人長短  
 為之忌僧尼雞犬見之若土到元守為災必  
 若第一度到父母妻子疾病死亡失財貴人  
 則坐致流亡但看生時得力與不得力若星  
 主得力則先吉後災也

穰法

其法與火同若年下為災及元守者以己之  
 冠冕衣服令入木竹林下候為災日月情人  
 作一竹人形架其衣服冠冕向其屋辰下如  
 值陰雨即向廁上作人之形呼己名斷其竹  
 木投諸廁中可去其災亦忌人見之見則不  
 免也

穰火出九

執經

十九

使赤油麻七粒赤稻五粒赤小豆三粒赤鹽  
 尾七莖赤銅屑少許以緋袋子盛緋線子繫  
 在臂上大吉又若畫其形供養吉又轉度人  
 經及消災經及帶緋頭鬚米砂即於雲漢日  
 為之寶命經云乘赤馬著赤衣在身須七處

刺出血又刺出赤鹽血當火見日為災時造  
 八角壇於四面四角頭各著四方箭箭上繫  
 四方色續時已身上血并赤鹽血與檀末相  
 調灑於壇上上又以赤油麻油燈五方五盞  
 燈樹皆須赤前來所用袋用緋索子繫在臂  
 上帶頭鬚吉又九執經云取隨年五果木柴  
 隨年甘草兩數并前功德焚之左臂上帶赤  
 銅劍兩壇下置水一甕午上立竿懸赤幡埋  
 赤炭六斤

穰土法

取黑油麻七粒黑豆七粒以皂綾袋子盛之  
 用皂索子繫左臂上能除一切鬼魅邪魔咒  
 詛之災於朔日以黑油麻汁作粥自食少許  
 餘以施貧人及道僧緣土管一切修道人及  
 苦行求正之者布施則大吉不得傷管孝子

及老人不宜多作樂緣土好哀哭不好音樂  
 故也又九執經云宜以犁具鋒鐵鑄作一土  
 星真形長七寸以黑磁甕盛之置於卧床頭  
 安之每於雞鳴直日平旦時以黑油麻汁灑  
 頭上經年乃去之如畫之供養亦得以隨年

果子供養帶黑色者尤妙咒曰雞緩是我君  
 主某臣僕願加祐護次以度災厄然後拜之  
 供養訖自己食之好食酸苦等宜看八陽經  
 帶雄朱燒安息香者皂衣不入惡神廟忌食  
 牛肉忌角器等

穰聞曜

經云以屠宰熟鐵打作劍如蛇形以口銜尾  
 帶左臂上著緋衣忌夜食及黑處行取高岡  
 上土一斗置床下別取黃土一斗煮熟送銀  
 長生鵝鴨食之大吉

穰木法

取白猪毛七莖以白袋盛繫左臂上忌食猪  
 肉不得殺生命又以白銀一兩鑄作真形供  
 養看經不得入神廟及吊死問病供養一切  
 道人吉

洞微限歌

人生貴賤稟星推限數交官各有時若過羅

限金木曜太陽紫炁月同隨限達此曜加官

祿限數若逢金木日月紫炁火土二星到便危

夜降土星晝火曜三方不是死無疑上不是

主畫生人久不是主此星若是三方主雖有

災傷命不離如夜生土是主畫生火是主限

家宅不寧因字至更兼純問恰如癡若月字

主家宅不寧計都夫職人須記若過奎婁主

轉移若過計都夫職人須記若過奎婁主

至奎二宿主喜慶為好廟首在陽宮為福緊

尾星陰位定災稀羅限在陽宮為福緊在陰

官為福限在陽宮對視三方淨空限凡禁事不

期若人限達者正入并三合對照無星官祿

上達空限死四旬六七命須辭之時即過五

十不得應在喜星限內達災忌稱意中亡此

是機若人限數遠好星之數有只有災星消

息定若其好限中達者災星不刻官字計

限仍知惡曜相參各有時達上達之何月死

失職中亡請細思之數內有忌星台照此

大陰陽土官尤妙  
中亡也畫土夜笑如是主限達稱遠轉官資

缺文

星相見職昌位顯王麻詞若人限達若悉尤

之一限兩星居好廟益壽四年人要知道限之

中見兩星曜在好樂合延二年之數即延得

四年也凡定災福若是達達還福慢限行還

甚並無移若一限之中見兩星初入忌

星官宿限身命行年惡曜隨留連之月為亡

月官為五弱不須疑若初入忌星行年身

弱官此忌星留連之月必身限惡行年身命

喜好星過時便見危星辰本官勝餘位七強

宮內福加之五弱添災福力職學者須詳善

惡推此書如後更無妙先賢指定更無迷生

死定人無一失方顯從來學洞微

洞微大數休咎歌

卯十五方辰官十已十一方酉同式午官十

五最高強申七未八却在詳戌亥子各四年

半丑寅都各五年強假今書生火在巳午未

申酉至空亡二十五年為盡處不然破敗在

他辨本在午方酉上火三旬之七福堂堂竭  
在酉前申位盡六旬之六為殃人生一百  
以為準學而細記莫令忘  
夫人生以一百為準多有星辰善惡加減其  
半以此不及一百從命官後十五年經歷善  
星得其本官之數歷惡官切見相對與三合  
加減之過嘉即減半善加半法也

秤星靈臺秘要經